

# All in for Kids

## CLTS Program (Txoj Kev Pab CLTS) Tsab Ntawv Xov Xwm Rau Tsev Neeg

All in for Kids (Tag Nrho Rau Me Nyuam Xov Xwm): CLTS Program (Txoj Kev Pab CLTS) tsab ntawv xov xwm yog tsim los faj seeb qhia rau koj thiab koj lub tsev neeg txog cov kev pab txhawb thiab kev pab cuam uas muaj los ntawm CLTS Program (Txoj Kev Pab CLTS) Tsab ntawv xov xwm yog tshaj tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg).



## Kauj Ruam 5 ntawm Deciding Together (Txiav Txim Ua Ke): Kev Xyuas Txog Cov Kev Txhawb thiab Kev Pab

### (Step 5 of Deciding Together: Reviewing Supports and Services)

Txoj Kev Pab Children's Long-Term Support (Txoj Kev Pab Txhawb Rau Me Nyuam Mus Ntev) (CLTS) yuav siv txoj hau kev muaj ib pawg neeg sib koom hu ua Deciding Together (Txiav Txim Ua Ke) los txiav txim siab. Nyob rau hauv txoj hau kev no, koj yog tus tswv cuab tseem ceeb thiab tus neeg paub tshaj txog koj lub tsev neeg cov hom phiaj, cov ua tau zoo thiab cov kev tu ncu.

All in for Kids (Tag Nrho Rau Me Nyuam Xov Xwm): CLTS Program (Txoj Kev Pab CLTS) tsab ntawv xov xwm yuav txhawb koj hauv qhov txheej txheem Deciding Together (Txiav Txim Ua Ke). Cov ntawv xov xwm dhau los tau tshaj qhia txog:

- Kauj Ruam Ib: Sib tham txog cov ua tau zoo, cov kev tu ncu, thiab cov hom phiaj

H

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

- Kauj Ruam Ob: Tawm tswv yim zoo txog cov kev daws teeb meem
- Kauj Ruam Peb: Ntsuas cov kev taug
- Kauj ruam plaub: Kev tsim muaj ib lub tswv yim

Tsab ntawv xov xwm no yuav sau txog kauj ruam tsib: kev xyuas txog cov kev txhawb thiab kev pab uas koj lub tsev neeg tau kom yeej ua tau raws cov hom phiaj tiag. Qhov no yuav pab kom ua tau cov zoo tshaj plaws rau koj lub tsev neeg.

### **Kev Ntsuas Txoj Kev Ua Tau Raws Cov Hom Phiaj**

Yeej muaj ib yam kev pab los sis kev txhawb twg nyob chaw pab kom ua raws cuag ib lub hom phiaj thiab pab tau koj lub tsev neeg. Kev xyuas txog ib txoj kev txhawb los sis kev pab yuav ntsuas tau seb nws puas ua hauj lwm tiag. Qee zaum nws yeej ua hauj lwm raws siab xav, ces yog zoo heev! Lwm zaus nws yuav tsis pab tau thiab yuav tau muaj kho hloov.

Xav seb **cov hom kev pab thiab kev txhawb** thiab **muab lawv heev npaum li cas** puas zoo rau koj lub tsev neeg cov hom phiaj tiag. Piv txwv, tej zaum koj lub tsev neeg muaj kev ntxhov siab heev, yog li pawg neeg txiav txim siv cov kev pab dim pa. Txoj kev xyuas txog yuav txheeb seb hom kev pab puas pab tau qib kev ntxhov siab. Yog tias koj yeej ceeb toom qib kev ntxhov siab ntsuas txog 8 thaum chiv thawj ntawm txoj kev ntsuas 1–10, tus zauv ntawd puas qis dua yog muaj kev pab dim pa? Yog tias tsis qis dua, pawg neeg yuav sib tham seb puas yuav tau muab kev pab dim pa ntau zaus dua los sis seb lwm hom kev pab los sis kev txhawb puas yuav pab txo qis koj lub tsev neeg qib kev ntxhov siab.

Kev qhia txog koj lub tsev neeg cov kev xav rau tus support and service coordinator (thawj tswj xyuas kev txhawb thiab kev pab) (SSC) yuav pab tswj xyuas kom cov kev txhawb thiab kev pab yeej zoo rau cov hom phiaj ntawm tus me nyuam thiab koj lub tsev neeg. Nws tseem ceeb uas pawg neeg sib tham kom hloov tau sai tej yam kev txhawb los sis kev pab uas tsis ua hauj lwm.

### **Cov Kev Txhawb thiab Kev Pab Yuav Tau Muaj Thiaj Raws Cuag Koj Lub Tsev Neeg Cov Hom Phiaj**

Koj lub tsev neeg yeej yuav muaj cov hom phiaj tshiab ntev mus. Vim lub neej hloov thiab tus me nyuam loj hlob, cov kev txhawb thiab kev pab yeej yuav tau hloov kom haum cov hom phiaj ntawd. Kev xyuas txog cov kev txhawb thiab kev pab yuav muab sij hawm rau pawg neeg los sib tham txog tej yam tshiab uas koj xav tau kom txhim kho tau koj lub neej. Ntawm no yog qee cov nqe lus nug yuav tau xav txog:

- **Tam sim no tus me nyuam puas muaj cov kev tu ncuu los sis kev txaus siab txawv?** Piv txwv, tej zaum tus neeg hluav tau kev coj qhia txuag nyiaj xtiag. Tam sim no lawv kawm ntawv yuav tag thiab yuav tau nrhiav ib txoj hauj lwm ua ib nrab hnuv los sis kev ua cov ntawv thov mus kawm ntawv qib siab. Cov kev txhawb thiab kev pab yuav hloov kom haum rau cov hom phiaj tshiab.
- **Puas ua tau raws li cov hom phiaj thiab muaj cov hom phiaj tshiab los txhim kho ntxiv tus me nyuam thiab lub tsev neeg cov tes dej num txhua hnuv thiab cov kev coj ua tsis tu ncuu?** Piv txwv, tus me nyuam tau ua tau lub hom phiaj npaj cov khoom txom ncauj txias rau nws tus kheej. Lub hom phiaj tshiab yuav yog rau lawv xyaum siv lub qhov cub hluav taws xob microwave.

# **NCAUJ LUS QHIA RAU KOJ**

Xav tau cov ntawv xov xwm uas piav qhia cov kauj ruam ib txog plaub ntawm Deciding Together (Txiav Txiam Ua Ke), mus rau [www.dhs.wisconsin.gov/library/akids21.htm](http://www.dhs.wisconsin.gov/library/akids21.htm) thiab nias cov chaw txuas mus rau cov ntawv xov xwm rau lub Ib Hlis Ntuj, Ob Hlis Ntuj, Tsib Hlis Ntuj thiab Cuaj Hli Ntuj. Muaj cov ntsiab lus txog qhov txheej txheem Deciding Together (Txiav Txim Ua Ke) nyob rau ntawm [www.dhs.wisconsin.gov/library/p-02246.htm](http://www.dhs.wisconsin.gov/library/p-02246.htm).

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

## Thaum twg xyuas txog cov kev txhawb thiab kev pab lawm?

Yuav xyuas txog cov kev txhawb thiab kev pab thiab muab hloov tau txhua lub sij hawm thiab ntau zaus npaum li xav tau, tshwj xeeb yog thaum twg koj lub tsev neeg lub neej los sis cov hom phiaj hloov. Thaum muaj tus kab mob kis thoob ntiaj teb COVID-19, koj lub neej thiab cov hom phiaj yuav nquag hloov dua los sis hloov mus txawv dua. Yog koj xav tau tej kev hloov rau koj cov kev txhawb thiab kev pab, tsuas nug tus SCC xwb! ❖

## Txoj Kev Txuas Ntxiv CLTS Program (Txoj Kev Pab CLTS) Yuav Muaj Cov Kev Txhim Kho

Txhua tsib xyoos twg, yuav txuas tshiab CLTS Program (Txoj Kev Pab CLTS) hauv nom tswv teb chaws. Zaum yuav txuas tshiab txoj kev pab yuav yog thaum lub lb Hlis Ntuj Hnub tim 1, 2022. Ib zaug twg uas txuas tshiab txoj kev pab, peb yuav xav txog cov kev los txhim kho cov kev pab thiab kev txhawb rau cov me nyuam thiab cov tsev neeg.

Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) (DHS) sau ua kev tsev neeg thiab neeg koom kev pab cov ncauj lus tswv yim hauv ntawv tshawb kawm thiab cov kev tham saum huab cua kom tau cov tswv yim txhim kho rau CLTS Program (Txoj Kev Pab CLTS). Peb txiav txim pom peb yam muaj nuj nqis uas yuav ntsuas cov kev txhim kho raws:

- **Kev muab cuag/kev tsim nyog tau kev pab:** Xyuas kom cov me nyuam uas muaj cov kev tu ncuaj loj heev muab cuag tau CLTS Program (Txoj Kev Pab CLTS)
- **Tsi ntsees rau tsev neeg:** Kev nthuav txoj kev pab mus pab txhawb rau ntau yam kev tu ncuaj thiab cov hom phiaj uas lub tsev neeg muaj
- **Kev xam muaj:** Txhawb rau txoj kev sib luag (coj ncaj ncees thiab muab kev vaj huam sib luag) thiab xam muaj kab lis kev cai (xyuas kom pom muaj, hnov txog thiab saib rau nqi tej tshwj xeeb ntawm cov tib neeg)

Peb zoo siab txog kev ua kom CLTS Program (Txoj Kev Pab CLTS) zoo dua ntxiv! Tom qab pom zoo kev txuas ntxiv txoj kev pab, tsab ntawv xov xwm no tom ntej yuav tshaj qhia cov ntsiab lus txog cov kev txhim kho. Tam sim no, ob zaj dab neeg ntxiv mus no yuav qhia txog ob yam kev hloov ntawm txoj kev pab uas yuav muaj:

- Kev tso tsawg txoj kev khi ceev lis sis kev cais nyob ib leeg
- Txhim kho txoj kev coj rau cov tsev neeg uas muaj me nyuam hluas pib loj yuav mus ua neeg laus ❖

## CLTS Program (Txoj Kev Pab CLTS) Yuav Txo Tsawg Txoj Kev Khi Ceev thiab Kev Cais Nyob Ib Leeg

CLTS Program (Txoj Kev Pab CLTS) ruaj siab yuav muab cov kev txhawb thiab kev pab nyab xeeb rau cov me nyuam. Ib txoj kev uas DHS muab tau cov kev txhawb nyab xeeb yog txo tsawg txoj kev siv thiab cov hom kev khi ceev uas siv rau cov me nyuam hauv txoj kev pab. Qhov no yog xaus txoj kev khi ceev lub cev ntaj ntsug thiab kev cais nyob ib leeg los ntawm cov neeg muab kev pab. Cov kev coj zoo tshaj plaws pom muaj ntau cov kev zoo dua los pab cov me nyuam nyiaj dhau uas nyab xeeb dua rau tus me nyuam thiab tus neeg muab kev pab.

# PUAS XAV TAU KEV PAB?

Qee lub sij hawm tib neeg yeej muaj cov kev xav sib txawv. Cov tib neeg, ua zoo npaum li lawv ua tau, yeej tseem tsis muaj kev pom zoo qees. Txhua lub tsev neeg muaj txoj cai thov kev txiav txim dua txog cov kev txhawb thiab kev pab ntawm Division of Hearings and Appeals (Fab Tswj Xyuas Cov Rooj Sib Hais thiab Kev Txiax Txim Dua). Koj siv tau tsab ntawv thov lub rooj sib hais ntawm [doa.wi.gov/Pages/LicensesHearings/DHAWorkandFamilyServicesUnit.aspx](https://doa.wi.gov/Pages/LicensesHearings/DHAWorkandFamilyServicesUnit.aspx) los sis los ntawm kev sau ib daim ntawv. Xa koj tsab ntawv los sis daim ntawv mus rau: DHA, P.O. Box 7875, Madison, WI 53707. Yuav tsis saib txoj kev zwm ntawv thov kev txiav txim dua ua txoj kev tsis zoo. Nws yog ib txoj kev daws cov kev sib txawv.

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

Pawg neeg pab hauv CLTS, nrog rau koj lub tsev neeg, tus SSC, cov neeg muab kev pab thiab lwm cov neeg uas paub tus me nyuam zoo, yuav ua hauj lwm ua ke los tsim npaj ib lub tswv yim txhawb rau tus me nyuam uas tsis siv kev khi ceev lub cev ntaj ntsug. Qhov no yog ib feem ntawm Individual Service Plan (Lub Tswv Yim Npaj Txhawb Tib Leeg) (ISP), lub tswv yim txhawb los sis dej num ua txhua hnuv (piv txwv, yam tus me nyuam ua tom qab kawm ntawv tag). Cov neeg muab CLTS yuav kawm kom paub tus me nyuam cov kev yeem siab, cov ua tau zoo thiab cov kev tu ncu. Cov neeg muab kev pab yuav:

- Siv lub tswv yim los txhawb tus me nyuam raws li lawv cov kev tu ncu tshwj xeeb.
- Muab cov kev txhawb zoo rau tus me nyuam, xws li kev qhia cov tswv yim nyiaj dhau los sis kev siv cov tswv yim tiv thaiv los sis ua kom tus yam ntawv tsis nyab xeeb ntaug.
- Nquag sib tham nrog koj txog lawv txoj kev ua hauj lwm nrog tus me nyuam zoo li cas thiab cov kev txhawb zoo uas lawv muab yog dab tsi.

Yog tias koj muaj cov lus nug seb qhov no txhais li cas rau koj lub tsev neeg, sib tham nrog tus SSC. ❖

## CLTS Program (Txoj Kev Pab CLTS) Yeej Txhim Kho Kev Coj Txog Kev Hloov Mus Ua Neeg Laus

Kev loj ua ib tug neeg laus yog ib lub sij hawm txaus siab heev thiab cov nyom heev hauv txhua tus neeg lub neej! Nws muaj kev ywj pheej ntau dua thiab muaj ntau cov kev txiav txim siab. Cov tsev neeg tau qhia rau peb tias lawv xav tau kev pab ntiv rau cov neeg hluas uas hloov mus ua neeg laus. Kom txhawb tau cov tsev neeg zoo dua, CLTS Program (Txoj Kev Pab CLTS) yuav qhia ncauj lus thiab muab kev coj qhia ntau dua ntiv txog qhov txheej txheem loj zus mus ua neeg laus. Peb lub hom phiaj yog pab cov neeg thiab cov neeg hluas kom lawv muaj txoj kev txhawb thiab npaj txhij rau txoj kev txav tawm ntawm CLTS Program (Txoj Kev Pab CLTS).

### Thaum twg kuv mam li tau cov ncauj lus txog cov kev hloov?

Tus SSC yuav pib sib tham nrog koj thiab tus neeg hluas txog txoj kev hloov thaum twg lawv muaj 14 xyoos. Qhov no yuav muab sij hawm rau koj tuav tswv yim thiab npaj rau txoj kev hloov no.

Tus SSC yuav muab cov ncauj lus qhia txog ntau txoj kev taug rau tus neeg hluas tom qab nws tawm ntawm CLTS Program (Txoj Kev Pab CLTS), nrog rau kev hloov mus rau:

- Cov kev pab tu xyuas neeg laus mus ntev.
- Cov kev pab neeg laus puas siab ntsws puas hlwb.
- Lwm cov kev pab hauv zej zog.

### Cov Lus Yuav Sib Tham Nrog Tus SSC

Kom pab npaj tus hluav rau txoj kev hloov mus ua neeg laus, koj yuav tau muab cov lus nram no los sib tham nrog tus SSC hauv lub rooj sib ntsib tom ntej:

- **Kev ntsuas txog txoj kev tsis taus:** Yuav tsum muaj qhov no thiaj rau npe tau rau hauv cov kev pab tu xyuas neeg laus mus ntev.
- **Chiv keeb Medicaid:** Hom Wisconsin Medicaid uas feem ntau tus neeg hluas rau muaj npe nrog yuav tau hloov thaum lawv hloov mus ua neeg laus.

## ISP YOG DAB TSI?

ISP yog ib lub tswv yim npaj tshwj xeeb txog cov kev txhawb thiab pab rau tus me nyuam thiab koj lub tsev neeg.

## QHIA KOM NCO

Cov kev pab nrug deb yog cov kev pab uas muaj nyob rau hauv lub xov tooj ntse, daim phiaj tablet, los sis lub tshuab hluav taws xob? Muaj cov kev pab nrug deb rau CLTS Program (Txoj Kev Pab CLTS) rau cov tsev neeg uas xav tau. Koj yuav nrhiav tau ntiv hauv tsab ntawv xov xwm no thaum lub Ob Hlis Ntuj 2021 nyob ntawm [www.dhs.wisconsin.gov/newsletters/kids-2021-02.pdf](http://www.dhs.wisconsin.gov/newsletters/kids-2021-02.pdf).

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

- **Cov kev ua hauj lwm los sis kev kawm ntawv:** Koj yeej sib tham tau txog cov kev yuav npaj rau cov kauj ruam tom ntej, xws li kev nrhiav ib txoj hauj lwm ua, kev nce qib hauj lwm, los sis kev rau npe mus kawm ntawv los sis kawm hauj lwm txuas ntxiv.
- **Txhawb Kev Txiaiv Txim Siab thiab kev ua neeg saib xyuas:** Cov no yog ob txoj kev taug los pab cov tib neeg muaj cov kev tsis taus txiaiv txim siab txog tej yam xws li nyiaj txiag, kev kho mob thiab chaw nyob.
  - Txhawb Kev Txiaiv Txim Siab: Ib txoj kev npaj uas kheev tus tib neeg muaj nws cov cai txiaiv txim siab nrog kev pab tswv yim los ntawm cov neeg lawv ntseeg siab. Tsev neeg los sis cov phooj ywg yuav pab piav qhia, teb cov lus nug thiab ntsuas cov kev taug. Txhawb Kev Txiaiv Txim Siab yuav cia tus tib neeg tswj tau nws lub neej thiab lub neej pem suab ntau heev dua kev ua neeg saib xyuas.
  - Kev ua neeg saib xyuas: Ib txoj kev sib raug zoo raug cai uas lub tsev hais plaub xaiv tus neeg saib xyuas thiab muaj txoj cai txiaiv txim siab rau tus tib neeg.

Tus SSC yuav muab cov ncauj lus qhia txog cov chaw muaj kev pab nyob rau hauv koj lub cheeb koog thaum tus neeg hluas ua lub neej txog qib no. ❖

## Cov Tswv Yim Lom Zem Yav Caij Ntuj No Rau Tsev Neeg

Qee cov tib neeg nyiam siv sij hawm tawm rooj rau lub caij no. Lwm cov neeg tsuas xav nyob twj ywm hauv tsev thaum huab cua txias heev. Txawm koj yog hom neeg twg, yeej muaj cov kev sim ua si nrog cov me nyuam thaum koj siv sij hawm ua ke thaum lub caij ntuj no.

- **Kev zas daus:** Thaum twg koj thiaj txau tau kob? Thaum twg muaj daus hauv av! Muab cov fwj txau tau (xws li cov fwj ntim kua txuj lom daj los sis kua txiaiv lws suav) ntim dej thiab kua kob zas khoom noj. (Siv cov kua kob zas khoom noj ntau dua pom tseeb dua.) Ces mus nraum zoov thiab cia tus me nyuam txau zas ib daim duab los sis lawv lub npe rau ntawm cov daus. Qhov no lom zem heev thiab pab tau tus me nyuam xyaum cov txuj ci siv yas cev loj. Ib qho zoo ntxiv, tsis tag yuav tau tu tom qab!
- **Teeb ua chaw nkaum:** Qhov kev ua si no lom zem heev thaum no heev sab nraum zoov! Muab cov ntaub pua txaj los sis cov pam vov khwb rau cov rooj zaum los sis lub rooj noj mov. Muab cov tog hauv ncoo thiab pam vov mus ntxiv rau sab hauv lub chaw nkaum kom qhov chaw xis nyob. Ua ke noj ib qho khoom qab, qhov kev ua si, ib phau ntawv zoo nyeem los sis ib zaj yeeb yaj kiab!
- **Tswv yim ua noj haus zoo:** Cia cov me nyuam koom nrog txoj kev ua noj ua haus yog ib txoj kev zoo rau lawv muaj kev lom zem thiab pab tau thooj txhij! Rau ib yam khoom qab zig, sim ua cov ncuav pretzel ntsw kua chocolate: Siv lub qhov cub los sis lub qhov cub hluav taws xob microwave los ua kom cov nplais chocolate yaj ua kua ces muab cov ncuav pretzel ntsw. Nphoo cov hmoov qab zib ntau kob rau yog tias koj nyiam thiab tos kom cov chocolate txias. Zaum no yog tib zaug uas cov me nyuam ua si nrog lawv cov khoom noj tau! ❖

## KOOM PEB COV TAU TXAIS NTAWV EMAIL

Kom txais tau ceev dua, rau npe kom tau tsab ntawv xov xwm xa hauv tshuab hluav taws xob tuaj thiab lwm cov ntawv email txog CLTS Program (Txoj Kev Pab CLTS). Mus rau [public.govdelivery.com/accounts/WIDHS/subscriber/new?topic\\_id=WIDHS\\_554](https://public.govdelivery.com/accounts/WIDHS/subscriber/new?topic_id=WIDHS_554). Koj puav leej rau npe kom tau DHS txoj kev pab tu xyuas mus ntev cov ntawv email ntawm [www.dhs.wisconsin.gov/dms/ltc-email-signup.htm](https://www.dhs.wisconsin.gov/dms/ltc-email-signup.htm).



## TSEV NEEG KEV LOM ZEM CAIJ NTUJ NO

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.

## Cov Chaw Muaj Kev Pab rau Cov Tsev Neeg

Cov tswv yim sib tham txog cov tshuaj tiv haiv kab mob COVID-19 nrog lub tsev neeg thiab cov phooj ywg:

[www.dhs.wisconsin.gov/covid-19/vaccine-talk.htm](http://www.dhs.wisconsin.gov/covid-19/vaccine-talk.htm)

Cov tswv yim sib sau ua ke nyab xeeb thaum caij caiv thaum muaj kab mob kis thoob ntiaj teb:

[www.cdc.gov/coronavirus/2019-ncov/daily-life-coping/holidays/celebrations.html](http://www.cdc.gov/coronavirus/2019-ncov/daily-life-coping/holidays/celebrations.html)

Cov ncauj lus tshiab tshaj plaws txog COVID-19, nrog rau cov ncauj lus txog cov tshuaj tiv thaiv kab mob rau cov me nyuam, cov tshuaj txhaj txhawb tiv thaiv kab mob thiab cov kab mob txia:

[www.dhs.wisconsin.gov/covid-19/index.htm](http://www.dhs.wisconsin.gov/covid-19/index.htm)

Qhov vas sab tshawb nrhiav tau cov tshuaj tiv thaiv kab mob COVID-19 thiab khaub thuas flu nyob ze koj:

[www.vaccines.gov/search](http://www.vaccines.gov/search)

Qhov vas sab tshawb nrhiav tau cov tshuaj tiv thaiv kab mob COVID-19 nyob ze koj:

[211wisconsin.communityos.org/guided\\_search\\_zip\\_lookup/render/ds](http://211wisconsin.communityos.org/guided_search_zip_lookup/render/ds)

Cov ncauj lus txog kev pab khoom noj khoom haus rau thaum muaj kab mob kis thoob ntiaj teb:

[www.dhs.wisconsin.gov/covid-19/forwardhealth-foodshare.htm](http://www.dhs.wisconsin.gov/covid-19/forwardhealth-foodshare.htm)

Cov tswv yim tiv thaiv khaub thuas flu:

[www.dhs.wisconsin.gov/influenza/prevention.htm](http://www.dhs.wisconsin.gov/influenza/prevention.htm)

Cov Ntsiab Lus txog Txhawb Kev Txiaiv Txim Siab los ntwam Wisconsin Board for People With Developmental Disabilities (Thawj Kav Xwm Tib Neeg Muaj Cov Kev Loj Hlob Cob Pob):

[wi-bpdd.org/index.php/SupportedDecision-Making](http://wi-bpdd.org/index.php/SupportedDecision-Making)

Cov sau thiab cov ntawv xov xwm rau cov tsev neeg uas muaj cov me nyuam tsis taus:

[www.parentcenterhub.org](http://www.parentcenterhub.org)

Cov ntawv xov xwm dhau los ntwam All in for Kids (Tag Nrho Rau Me Nyuam): Tsab ntawv xov xwm CLTS Program (Txoj Kev Pab CLTS):

[www.dhs.wisconsin.gov/clts/waiver/family/index.htm](http://www.dhs.wisconsin.gov/clts/waiver/family/index.htm) (rub rov hauv mus rau ntu Cov Chaw Muaj Kev Pab)

## NCAUJ LUS QHIA RAU KOJ

Txhua tus muaj 5 xyoos thiab loj dua yeej mus txhaj tau tshuaj tiv thaiv kab mob COVID-19 ntwam lawv lub chaw kho mob, cov chaw txhaj tshuaj tiv thaiv kab mob hauv zej zog, lub tuam tsev tswj xyuas kev noj qab haus huv hauv zos, los sis hauv cov khw muag tshuaj Mus xyuas [www.dhs.wisconsin.gov/covid-19/vaccine-get.htm](http://www.dhs.wisconsin.gov/covid-19/vaccine-get.htm) yog xav kawm kom paub ntxiv. Xav txhawb kom cov me nyuam muaj hnuv nyoog 2 xyoos thiab loj dua yuav tau muaj kev tiv thaiv ntxiv, xws li looj daim khwb ntsej muag. Kawm ntxiv txog DHS COVID-19: Cov Chaw Muaj Kev Pab Txog rau Cov Niam Txiv thiab Cov Neeg Saib Xyuas qhov vas sab: [www.dhs.wisconsin.gov/covid-19/parents.htm](http://www.dhs.wisconsin.gov/covid-19/parents.htm).

Cov ncauj lus hauv tsab ntawv xov xwm no yog tshaj tawm raws li txoj cai Social Security Act (Txoj Cai Tswj Kev Noj Haus Ruaj Ntseg) § 1915(c) thiab 42 C.F.R. § 440.180.



All in for Kids (Tag Nrho Rau Me Nyuam Xov Xwm): CLTS Program (Txoj Kev Pab CLTS) yog tsab ntawv xov xwm tshaj tawm los ntwam Wisconsin Department of Health Services (Tuam Tsev Tswj Xyuas Kev Cov Kev Kho Kab Mob Kev Nkeeg) rau cov me nyuam thiab cov tsev neeg hauv CLTS Program (Txoj Kev Pab CLTS).

CLTS Program (Txoj Kev Pab CLTS) muab Medicaid nyiaj txiag pab txhawb rau cov me nyuam uas muaj cov kev txwv txiaiv tsis taus loj heev vim yog txoj kev xeeb tsis meej, kev puas ib ce los yog cov kev puas hlwb puas siab ntsws uas nyob rau hauv tsev los yog hauv lub zej zog neeg. Siv tau cov nyiaj txiag mus txhawb ntau hom kev pab cuam raws li txoj kev ntsuas pom ntwam tus me nyuam thiab lub tsev neeg cov kev tu ncuu thiab cov hom phiag los yog kev xav tau uas pom muaj. Xav paub ntxiv, mus xyuas [www.dhs.wisconsin.gov/children/index.htm](http://www.dhs.wisconsin.gov/children/index.htm).

Para leer este boletín en español, visite [www.dhs.wisconsin.gov/library/akids21.htm](http://www.dhs.wisconsin.gov/library/akids21.htm).

Xav nyeem tsab ntawv xov xwm no ua Lus Hmoob, mus xyuas [www.dhs.wisconsin.gov/library/akids21.htm](http://www.dhs.wisconsin.gov/library/akids21.htm).

For other languages (繁體中文, 简体中文, Deutsch, العربية, русский, 한국어, Tiếng Việt, Deitsch, ພາສາລາວ, Français, Polski, हिंदी, Shqip, Tagalog, Soomaali): 608-266-8560.